

四庫全書

子部

欽定四庫全書

普濟方卷三百七十五 明 周王朱櫛 撰

嬰孩驚風門

急慢驚風

附論

夫急驚因聞大聲而發或大聲搐發過則如故此無陰也當下利驚丸主之小兒急驚者本因熱生於心身熱面赤飲引口中熱氣大小便黃赤熱則搐也蓋熱甚則生風風屬肝此陽盛陰虛也故利驚丸主之以消其痰

熱不可與巴豆及涼藥大下之恐體虛難受也小兒客
痰熱於心胃因聞聲非常則動而驚搐矣若熱極雖不
聞聲其驚亦自發也慢驚病因瀉或吐後脾胃虛損遍
身冷口鼻氣出亦冷手足時掣癡昏睡無時此兒無陽
也括薑湯主之大凡陰陽異証切須辨治之急驚合涼
瀉慢驚合溫補世俗方症多不分別貽誤小兒甚多又
小兒傷於風病吐瀉醫謂脾虛以溫補之不以清涼之
藥治之不能察其本來之病而任意亂攻之因脾氣本

虛內不能散外不能解變為慢風其證多睡露睛身溫
風在脾胃故大便不聚而瀉當去脾間風風退則利止
以宣風散主之後用史君子丸補其胃亦有吐利久不
瘥者脾虛生風而成散慢驚○驚癇早發搐目作左視
無聲右視有聲晚發搐目右視無聲左視有聲相勝故
也○早晨發搐因潮熱當卯辰時骨身壯熱上視手足
動搖口内生熱涎項頸急此肝旺當補腎也地黃丸治
肝瀉青丸主之早發搐因潮熱已午未時搐發心神驚

悸目上視白睛赤色牙關緊口內涎手足動搖此心旺也當補肝治心導赤散涼驚丸補肝地黃丸主之○日晚發搐因潮熱申酉戌時不甚搐而喘目微斜視身如熱火旺露睛手足冷大便淡黃水是肺旺當補脾益黃散治肝瀉青丸治之心導赤散主之○夜間發搐因潮熱亥子丑時不甚搐而卧不穩身體溫壯目睛緊斜視喉中有痰大便銀褐色乳食不進多睡不省當補脾治之益黃散涼驚丸主之○傷風後發搐傷風後得之口

中出氣熱呵欠煩悶手足動搖當發散太青膏主之小
兒生來怯弱者多此病也口傷食後得之身熱多睡或
吐不思食而發搐當先定搐退白餅子下之後服安身
丸○百日内發搐真者不過三四次必死假者頻發不
為重真者内生驚癇假者外傷風冷蓋血氣未實不能
勝任及發搐也欲知假者吊氣出熱也治之可發散大
青膏主之及用塗顙浴體法昔李司戶生子百日發搐
三五次請二醫治或作天癇或作胎驚癇皆無效後錢

氏用大青膏如小豆許作一服發之復與塗顙藥敷之及浴法三日而愈何以然諸陽初生肌骨嫩怯被風傷之子不能任故發搐頻發者輕何也客風在內每遇不任即搐搐稀者是內臟發病不可救也頻搐者宜散風冷故用大青膏不可多服蓋兒至小易虛易實多即生熱止一服而已更當封浴無不效者○李寺承子三歲病搐自卯已至數醫不治召錢氏視之搐目右視大叫哭李曰何以搐右錢曰逆也李曰何以逆曰男為陽而

本發左女為陰而發右若男目左視發搐時無聲女發時右視無聲左視有聲所以然者左肝右肺肺金肝木男目右視肺勝肝也金來刑木二臟相刑故有聲也治之瀉其強而補其弱實者亦當瀉之肺虛不可瀉肺虛之候悶亂哽氣長出氣此病男反女故男易治於女也假令女發搐目左視肺能勝肝若病在秋肺反不旺位肝獨發旺故哭叫當大瀉其肝然後續治心肝所以俱主目反右視者乃肝失其主也凡搐者風熱相搏於內

風屬肝故引之見於目也錢氏用瀉肝湯瀉之二日不
悶亂當知肝病退後用地黃丸補腎三服後用瀉青涼
驚丸各二服大凡用瀉心肝藥五日方愈不妄治也又
言肺虛不可瀉者何也曰設令男目右視木反尅金肝
木勝金是以瀉肝若更病在春夏金氣極虛當補其肺
慎勿瀉也○凡治急慢驚風合溫補此法古人多用凡
藥性涼者不可泛用宜審別之錢氏云急驚合涼瀉慢
驚風合溫補此是定法也其間有急驚涼瀉不愈變為

慢驚有慢驚溫補而不愈者變為急驚至相更變者亦多矣所以古人撰一方藥治急慢驚前後互變之證具有義理惜乎當時有失詳註而兩交互者宜用通治急慢藥○急驚變為慢驚者因壯熱精神恍惚忽發驚搐醫以吐下藥太多以涼驚藥不愈在再經曰脾虛不實嗜睡露睛涎鳴氣麤腸腹冷疼時作瘳瘳此急驚變成慢驚也張氏云急驚風進退不定在再經曰乍靜乍發嘔吐痰涎氣鳴潮搐為慢驚○慢驚變為急驚者因

傷乳食或吐或瀉時作癰癰醫以溫熱藥太過以暖驚藥不愈體熱涎盛面赤紅大便不通小便赤澀舌白唇紅或發驚搐此慢驚變成急驚也錢氏云慢驚多因性太溫及熱藥治之有驚未退而別生熱證者有病愈而致熱證者有反為驚者甚多已上二證互相更變者蓋小兒易虛易實也手指搐握拳者有陰陽兩證陰者拇指在內陽者拇指在外陽拳者順陰拳者逆也○夫因驚則氣亂故上下不通併於中焦氣壅則痰聚不散故

氣結噎哽抑而虛歎此驚之先兆也○有久患癇疾者
必須哽氣實者天霜散吐之散風散吐涎或珍珠丸利
驚丸下涎問命散吹鼻令關膈通利更與安神膏補之
琥珀散除驚風虛者對證用藥○驗驚搐先證目鮮眨
目青目斜目闔目瞪聲哽聲顫聲輕啞口弄舌捲舌露
筋虛氣哽氣噎氣撮唇舌忽然定睛吐涎吐沫拗頸仰
身搖頭擦面藏頭畏明手攣手顫脚弓不伸忽撩忽亂
精神恍惚失張失智眠睡不寧睡中喜笑因憂齒齬心躁

煩熱啼哭咬人臉面弄色或紅或青伸舒用力微作聲
以上諸般證候不待日久必發驚癇病須預防之驅兼
風膏琥珀散更擇對證藥頻服頻喂乳大便青痰吐食
瀉酸瀉醒吐涎多因瀉久脫形晝眠默夜起頻動瘡痢
無度涎喘作聲虛腫臍冷盜汗骨蒸諸竅失血口渴無
津液以上諸病證如或遷延日久必成慢驚須預防之
安神膏琥珀散更擇對證藥治之○活幼口議云驚者
總名也嬰孩小兒心氣不足智志率伏恍惚無定神不

守舍怯人怕物漸成怖畏怖畏之盛已作恐懼恐懼之多乃抱怔忡怔忡之久則自惕愕惕愕既久瘕癥遂作斯乃心氣不足即為生風之漸但其間自分輕重耳又有心氣虛弱暴觸作驚更不由漸便即面青而唇白甚則定睛直視目無所覩聽之聞聵耳無所聞精神頽亡心智全失及至良久不能收斂不究其致此之由何以治之蓋小兒五臟六腑虛處受驚最易作疾世之幼幼者多因乳母不意之間耗動其心

氣乃以漸而作驚焉大凡小兒之驚因水火所加者
悸也自跌撲所致者恐也自人物所觸者愕也惕惕
不散鬱鬱悶於胸中者怔忡也由是觀之可見積驚
難散皆由平日氣壅痰聚不能自化一有震動則乘
虛而生其心如恐恐悸悸者蓋亦不能自知矣不能
自知所以常生怖畏且不惟怖畏之心常在其中懷
無以自遣偶因觸動心神其心發驚其肝生風其肺
生痰其脾作熱四證相臨重者先發所以耳目失常

形神頓變有卒不可禁者假如雷聲霹靂至響不為
咎者何蓋聲相應情無所加矣惟有小兒在僻靜處
或神廟中存怖畏之時忽被無知小人戲叫鬼來令
小兒奔走無門驚氣入心若不速利其驚氣少頃則
指甲黑唇青致成重害不可得療自古及今調理嬰
孩最為難事悉皆憑藥取愈其驚風至難也慢驚又
難也慢脾尤難也○急驚頭額角心背原被灸了者
次定發癇不可救嘗謂風癇可灸驚熱不可灸蓋風

與癰痰涎壅盛凝滯胸膈昏亂不能知心如所失暨
灸着穴痰化散心竅開即漸安愈驚之與熱心神常
開知被灸忍痛不勝驚悸轉盛其痰差重所以用艾
在先藥必不效驚風痰氣未嘗見因灸而活每見老
嫗鄙婦無術只投艾炷兒生三日五日之間便以艾
燒之不惟失穴因痛增悸經絡未分如何愈病智者
詳慎不可炷灸○小兒急慢驚風所謂陰陽癰是爾
急者熱屬陽陽盛而陰虧慢者寒屬陰陽虧而陰盛陽動

而躁疾陰靜而遲緩其咎也皆因臟腑虛而得之虛能
發熱熱則生風是以脾熱則風生於脾肺熱則風生
於肺心亦然天官醫疾注云肺氣熱心氣傳也驚風
痰熱合為四證於是八候生焉搐搦掣顫反引竄視
曰八候凡搭眼搖頭張口出舌面青唇青瀉青大陽印
堂青筋三關虎口紋紅紫或青者此皆驚風狀也大抵
熱論虛實證別逆順治有先後蓋熱實為急驚風虛熱
為慢驚風慢驚本無熱所以發熱者虛使然爾急驚屬

陽用藥以寒慢驚屬陰用藥以溫不可以陰陽無別故
曰熱論虛實者此也男搖左視左女搖右視右男眼上
竄女眼下竄男握拇指出外女握拇指入裏男引手挽
左直右曲女引手挽右直左曲凡此順反之則逆亦有
先搖左而後雙搖者但搖順則無聲搖逆則有聲其指
紋形如攣弓入裏者順出外者逆出入相半者難療目
屬肝肝受風熱則目直視或上竄或兩眦頻搭上下瞼
赤五心煩熱之證却不發搖必挾心熱則肝火心風二

者交爭而發搐也但竄視直與瀉青丸更加發搐者以
導赤散兼之大抵肝風心火乃受病之處瀉青丸去肝
氣導赤散兼之又能降心火幼幼新書以為要藥故曰
別逆順者此也陽病陰脉陰病陽脉亦為反症熱盛生風
風盛發搐先於截風治風先於利驚治驚先於豁痰治痰
先於解熱若四證俱有又當兼施並理一或有遺必生
他證故曰治有先後者此也綱領如此若析急慢脾風
而言之則暴烈者為急驚沉重者為慢驚而慢脾則重

而深矣急驚之候牙關緊急壯熱涎潮竄視反張搐搦
顫動更兼十指開合唇口撮眼眨引頸併口中熱氣頰
赤唇紅大小便黃赤其脉浮數洪緊蓋由內外有實熱
外挾風邪心家受熱而積驚肝家受風而發搐肝風心
火二臟交爭血亂氣并痰涎壅塞所以百脉凝滯關竅
不通風氣蓄盛而無所泄故暴烈也治法大要用藥有
次序通關以後且與截風定搐痰熱尚作乃下之痰熱
一泄又須急與和胃定心之劑如搐定而痰熱無多則

但用輕藥消痰除熱可也然急驚雖當下切不可過用
寒涼及鉛粉巴硝輩蕩滌太驟水銀輕粉巴豆芒硝鉛
霜蟾酥腦麝等劑醫家不得已用之僅去疾即止或不當
用而用或當用而過焉往往由此成慢驚矣下痰熱不
妨用銀粉巴硝但能斟酌審量可也欲下之法須當審
問前日已下未下或曾經吐瀉否已下及吐瀉者不可
再下但驅風化痰消熱而已大約痰熱十分且泄其三
之二下劑中須以枳殼菖蒲寬氣通心之類佐之蓋急

驚急在一時治之不可寬緩稍緩則證候轉深若一時
體認未明又不可妄施藥餌截風定搐先與通關嚏驚
輩次則人參羌活散截風丸一字散陽癇散擒風湯定
搐散瀉青丸木通青寧散阿膠散宜急擇用下劑有三
輕下則用定命散防風利驚防風湯宣風散枳殼散小
柴胡湯輩稍重下則用揭風湯硃砂踈風散柴胡加大
黃湯重下則用青金丹天麻丸蘆薈丸牛黃涼膏丸千
金散王監驚黑丸輩後和氣助胃氣如生氣散銀白散

茯苓陳湯異功散天麻蘇合香丸參苓白朮散和中散
醒脾散之類皆可選用定志寧神則以定志丸溫膽湯
定心丸栢枝膏與之他如太乙保生丹聚寶丹蟬蝎散
不冷不熱祛風鎮驚之劑又當繼此以防其再發也下
之後諸證猶存者未易痊愈更勿再下當作慢驚理之
其有搐搦反張斜視而牙關不緊口無痰涎者未可
直以為驚風恐是傷風傷寒傷食三等證變成夾驚
如彼錢氏假搐之說傷風夾驚神困昏悸頭疼氣壅先

用人參羌活散惺惺散消風散輩微取其表次與天麻
防風丸傷食夾驚身熱溫壯或吐不思食大便酸臭先
用人參羌活散加青皮紫蘇取表消積次用驅風鎮驚
之劑凡搐搦者不可把握但持之否則風癇逆入經絡
遂使手足拘攣以成廢疾此治急驚之要也慢驚之候
或吐或瀉涎鳴微喘眼開神緩睡則露睛驚跳搐搦乍
發乍靜或身熱或身冷或四肢熱口鼻氣熱面色淡白
淡青眉間唇間或青或黯其脉沉遲散緩蓋由急驚過

用寒涼或轉下大驟傳變成之又有吐利不止而成者
有氣虛暴吐瀉而成者錢氏云夏月脾胃伏熱大吐瀉
者當解暑熱不可專止吐瀉有臟腑虛洞泄成者邪入
於腸胃故大便不足而瀉有久痢氣脫成者有下積取
瀉成者有吐血與瀉血成者有感風不解誤藥成者有
傷寒傳變成陰症者有得之久嗽作癇不已者有得之
蟲積衝心者有得之目腫疝氣腹痛者其或日夜汗出
脾困多睡煩躁引飲四肢浮腫大小便閉丹瘤腫毒龍

帶纏腰走馬急疝並傳慢候惟吐瀉積痢或虛致之則證變甚速纔經吐瀉便是慢驚須用溫中扶裏或搐來緊急及慢驚初傳尚有陽證不可作急驚用藥世言搐慢驚非也若泥此往往指慢脾為慢驚矣凡慢驚男子以瀉得之為重女子以吐得之為重治法大要須當審問源流不可槩曰慢證如吐瀉得之則理中湯加木香以溫其中五苓散以導其水臟寒洞泄得之則先與木附湯下積取轉得之則先與調氣散外感寒邪得之則

先與桂枝湯解肌湯輩其他可以類推矣然慢驚雖屬陰亦須準較陰陽虧盛淺深如何不可純用溫湯及燥烈大熱之劑惟於生胃氣中加以截風定搐如全蝎花蛇殭蠶白附天麻南星輩為良方傳慢驚候而尚有陽證者八候尚在必回陽但與截風調慢可冷可熱均平陰陽而已太一保生丹聚寶丹蟬蝎散神保既濟丹來復丹王氏惺惺散醒脾散大醒肝散溫白丸可選用之若陽虧陰盛病已傳過純屬慢驚無搐掣手反引竄視之

證而但昏沉者與星香全蝎散定命飲四聖散烏蛇四
君子湯天南星散烏沉香全散之屬若手足冷者方可
回陽用硫黃附子慢驚下痰身煖者天南星丸蘇合香
丸白丸子痰盛者神保既濟丹礞石散虛甚而不可下
痰者靈脂丸七珍丸如腦麝銀粉鉛霜寒涼通關利腸
輩一切禁止麝雖溫然性屬陰能化陽通腠其有陽已
傳陰或者不知但有見引搐誤用腦麝銀粉及寒涼輩
必為慢脾陰逆症慢驚之候其眼半開半合則當預作

慢脾風調理之於斯時也陰氣易盛倘時刻少延則藥力不及頻併投藥則勢又不可纔進一二劑須審有無傳變稍定則和平為愈勢篤則以剛劑投之此治急慢驚之大要然也慢脾之候面青額汗舌短頭低眼合不開困睡中搖頭吐舌頻嘔腥臭噤口咬牙手足微搐而不收或身冷或身溫而四肢冷其脉沉微陰氣極盛胃氣極虛十活一二蓋由慢驚之後吐瀉損脾脾虛已極總歸處虛為脾所受故曰脾風若逐風則無風可逐療驚

則無驚可療但脾間虛弱痰涎往來其眼合者脾氣困
乏神志沉迷痰涎凝滯然則世所謂慢風難療者慢脾
風是也慢風一名虛風凡小兒或吐或瀉之後面色虛
黃大勢虛損若因虛而發熱繼此而得慢脾風纔見搖
頭斜視以手摸人昏困喜睡額上汗多身亦粘汗其聲
沉小而焦即是脾風之證不必歷由急慢風傳次而至
又當識之治法大要生胃回陽黑附湯川烏散金疫丹
白丸子各半生附四君子湯可斟酌用胃氣漸復則異

功散輩溫平而調理之如蝎附散靈砂等亦可參用若其眼半開半合手足不冷證候尚在慢驚則勿回陽或已入慢脾而陽氣未甚脫者亦不可用硫黃附子丸服回陽湯劑手足漸煖者仍以醒脾散等繼其後以調之慢脾下痰輕者神保既濟丹白蠶丸重者辰砂膏甚則七寶妙香散慢驚慢脾證候諸藥不效者如有太衝脈則取百會穴灸之此治慢脾風之大要然也雖然小兒有病問之則幼不能言望之易驚易喜診之則或慢或

動自六歲已下黃帝不載其說者以其難也又瘧瘧發
瘧卒中天癰撮口亦風之種類焉瘧者手足冰冷瘧者
舉身僵仆瘧瘧本一病當分陽剛陰柔柔者有汗肢體
強直腰身反張甚於風瘧大抵不治瘧者目瞪涎流
神氣鬱結四體不收沉默昏潰似死其聲惡呌身軟
時醒有聲者為瘧身強不醒無聲者為瘧瘧凡治驚遇
咬牙啼呌者須與通心利小便劑瘧亦多種錢氏有羊
牛鷄犬猪之說大抵以驚風食三證分別治之中風者

五臟各有脉證隨五臟證施以灸法其科大同特小小
分別耳天癰者身體壯熱翻眼擡頭手足搐掣其狀如
魚之釣又內癰腸痛多啼唇黑陰腫偏僂反張眼有紅
筋血斑乃寒熱壅結驚得之撮口者一月內之驚疾
臍風鎖肚癰卵疝俱至撮口蓋風入心脾故令小兒氣
促口撮如囊而不乳也其初生百日頻頻吐乳呵吹噓
噴睡裏多驚眼翻肚脹手足緩怠煩躁多喘者當作胎
驚風理之又有變蒸亦發微驚不治自愈又瘡痘欲發

亦或搐掣如風口鼻冷尻冷耳後有紅縷者必是瘡痘之證切不可用腦麝開腠及銀粉巴豆硝大下而寒涼之是則辨之不可不審也至若眼陷無光黑睛無瞳人爪甲青黑四體垂殫一臟氣絕不可勉強下藥面赤如緋面青背冷目仰手足冷目青腹脹胸高手擎胸膈唇舌鼻青黑魚口氣麤瞪眼頸仰啼哭無淚冷汗不止汗出如珠如油睛青瀉紫黑血涎沫時流吐舌出口咬人五噎五冷五乾皆惡證也急驚眼時翻轉口中出血兩

足擺跳腹肚搖動或神緩而摸體尋衣或搐定而神昏
氣促噴藥不下通關不噎心中痛絕忽大叫者難愈慢
驚四肢厥冷泄瀉加嗽面黯唇慘胃痛無聲兩脇動氣
口生瘡胃閉損也髮直搖頭眼睛睜不轉涎鳴喘噎口
眼手足一邊牽引者難痊慢脾身冷粘汗僵卧如尸喘
嗽項軟大小便不禁背曲口噤頭搖者最難為力或者
慢驚欲絕之時虛痰上攻咽喉氣呼吸麓大脉浮數是
謂陰盛類陽錯認此為陽氣因後直與峻藥下痰痰隨

藥下氣隨痰絕人以醫殺咎之此則不識覆燈將絕之證雖不下藥亦無生意矣又有喉中痰涎聲如拽鋸一兩日間但閉目不得開者此為虛候之極痰盛塞其氣然也若徒下痰亦未可保姑以蘇合香丸白丸子輩與之他如急驚安靜之後兩日再發面色變易又三四日定而復發其後淹延必至沉重若急驚證候徒知定搐不去驚熱纔見安定遂指為安未幾復搐是為過街候若慢驚之候服藥已瘥尚須調理數日不知者竟忘

政治終必復發或成廢疾是則體認之不可不預精也

南星丸 治小兒急慢驚已經火灸諸般癇病累醫無效但是惡候不問陰陽灌藥一服得睡即效

蛇含石

一分

石燕

並火煨酒淬三五次

代赭石

硃砂

鐵粉

雄黃

各一錢

五靈脂

乳香

川烏

去皮炮

天漿子

二十枚

烏蛇肉

酒浸炙去骨一錢

蛇皮

炙

蛇

頭

一箇酒浸炙

殭蠶

去嘴絲水浸焙微炒

蟬蛻

天麻

蜂

房

炒各二錢

蜈蚣

大赤足者二錢

全蝎

二錢新薄荷自然汁浸一宿微炒焙

羌活

川芎

麝香

一字

腦子

半錢

如吐瀉後加附子炮去皮隨輕重入藥右為末糊為丸雞頭子大金箔為衣三歲一九薄荷湯入酒少許磨或作散亦可一方酸棗仁炒去皮二錢

鎮心丸

治小兒一切諸風慢驚癇常服此藥諸毒不

生其驗不可盡述

烏鳥屎

一應烏鳥飛禽皆可名蘇子屎用新瓦焙乾

京墨

虎睛

麻黃 豆豉 牛黃 黃蠟 麝香 許少 珍珠

地龍

活者全用

乾蝎

十箇

南星

作厚片用童子小便浸三日陰乾焙

防己 白蘚皮 猴頭骨 硃砂 風化硝

右除麝砂另外餘藥各等分研為細末用水飛過用銀圈杵作餅子另用麝砂為衣用井水磨一錢臨卧服時疫病身熱瘡癰熱毒用薑汁磨化服急驚用水磨二錢服餘藥對證用煩渴腹脹內有諸瘡疽證皆因之而發風須當體認隨其證療其病如病已去則

風自去矣按錢氏方小兒搐身熱喘急目斜露睛四肢逆冷李醫業已定以驚搐一劑與之別無主見錢遂白之曰發搐為肝實身熱喘急為肺虛目斜露睛為肝虛四肢冷為脾虛治法先用益脾補肺胃氣稍復然後瀉肝涼驚而安一證直視而不能食或謂神祟使然錢知其為肝旺勝脾與之瀉肝而愈以證吐瀉或利小便過多以至肝脾虛不食錢用益黃散作效已經數日忽爾不語衆醫數以失音湯劑主之竟

無寸效錢氏用地黃丸數劑補之於是能言此其所
以然者前乎清利小便太過遂致脾腎俱虛難以補
脾而腎尚虛故爾至論肺虛痰實治法自當下故下
之必先益脾然後瀉肺經云欲瀉其子先瀉其母此
錢氏要記錢氏方瀉青丸瀉白散導赤散瀉黃散力
瀉五臟藥益黃散白朮散阿膠散地黃丸皆補五臟
藥心中驚熱清心而熱不退則與之助胃胃不虛則
熱不生或胃虛不實又且小便難則不為之踈利蓋

利之則胃愈虛而身必冷其有傷風寒而吐瀉者欲止瀉吐不特溫脾須以發散之劑先散風寒風寒散吐瀉自止矣不特此爾小兒平常服藥過多臟腑已頑調和劑不效則易之以反擊固守之劑太過則調和而踈利之夫小兒柔嫩易實易虛易寒易熱兒有大小壯弱病有輕重淺深所貴乎目視之切意度心商惟醫權衡斟酌對症用之得中為上矣頂門百會上慢驚用藥封臍或吐或瀉立效

睡紅散

治小兒急慢驚風手足搐搦目瞪神昏口眼

相引

牛黃

硼砂

腦子

珍珠

水銀

半錢

麝香

一字

青黛

蝎尾

炒

京墨

炒煙盡

南星

薑汁浸一宿

半

夏

薑汁浸一宿

蛇含石

半錢

金箔

十片

銀箔

十片

烏

蛇尾

并項下七寸並酒浸一宿取去皮骨炙一錢

右牛黃麝香腦子硼砂金箔銀箔先研極細末勻次

入水銀砂子再將餘藥搗羅為末一處研勻每服嬰

孩半字半歲一字一二歲半錢三四歲一錢以意加減金銀薄荷湯下如一服搗定即使用調胃氣觀音散二三服如小兒再作風氣發搗宜進鷄舌散二三服一方有薄荷無南星加五味子

至寶丹

鷄脰肥

一箇烏骨者洗炒

牛膽膏

天南星

取心三錢

馬

牙硝

二錢半

血竭

三錢如無以豬心血代之

蝎梢

九箇

枯

礬

二錢半

腦子

麝香

少許

右為末入鷄脰肚內飯上蒸好取出懸掛却入後藥

至寶丹

二兩

沉香

木香

各一錢

牙皂角

三條去皮弦去

右為末夏加花蜘蛛一箇和前藥糊丸如蘇合香丸
大硃砂金箔為衣每服一九薄荷湯磨服

奪命金丹

治急慢驚風無藥可理者一服見效

南星

為末用臘月黃牛膽汁合和入於膽內掛當風處陰乾百日可用

天麻

防風

去蘆

白附子

炮

白殭蠶

炒去絲嘴

硃砂

別研一兩

蟬蛻

去土
半兩

麝香

二錢
另研

天漿子

炒二十
一箇

牛黃

半錢

蝎梢

四十九
箇炒

赤足蜈蚣

一條臍上開路入
麝香一錢去脚用

紙裹焙
乾用

乾蟾

一枚炙
黃去足

右為末用東流水煮白麵糊為丸如鷄頭子大每服
先下白朮子即和劑方用青州白丸子研為末每服
半錢薄荷湯下後用生薑自然汁磨下一粒立見功
效量兒大小增減不拘時

琥珀丸

治小兒驚急慢風涎潮昏冒目瞪搐搦驚癇

腹疼及和順瘡痘小兒驚哭眠卧不安入口立效驚
癇時復發作常服永除病根

辰砂

一錢半

琥珀

牛黃

殭蠶

炒去絲嘴

全蝎

去毒

南星

水浸夏三春秋五日
冬七日牛膽中製佳

白附子

代赭石

天麻

乳香

蟬退

各一錢

麝香

半字

腦子

一字

右為末一歲半字薄荷湯調下慢驚加附子

保命丹 治小兒急慢驚風潮作不定涎盛氣急精神

不爽病退常服除根

牛黃

辰砂

錢二

麝香

錢半

腦子

乳香

五靈

脂

鐵粉

代赭石

錢各一

全蝎

錢半

蜈蚣

附

子

殭蠶

炒

蛇含石

煅醋淬三次各半錢

右為末白麵糊丸如鷄頭子大三歲一丸薄荷湯下

萬金丹

治小兒急慢驚風立見效

硃砂

錢五

麝香

錢二

珍珠

錢半

白殭蠶

琥珀

錢一

全蝎

十箇
去尾

腦子

犀角

鎊

乾臙脂

以上三
味少許

天南星

錢一

鉤藤

巴豆

五粒
去油

右為細末薄荷湯打糊為丸如麻子大二歲小兒服一十八丸看兒大小加減丸數急驚煎薄荷湯送下慢驚煎地龍湯下

神應丸 治小兒急慢驚及卒中惡并五種癇疾或髮豎目直面如桃花口眼俱閉或即俱開喉中作聲汗出如油驚風不搐時瀉黑色已上惡候但一服救之灌藥一粒神效

真牛黃 麝香

輕粉

半兩

金銀箔

百片

磁石

石綠

硃砂

蛇含石

粉霜

雄黃

一兩

石燕

子

兩箇火煨
醋淬七次

右為末酒糊梧桐子大一歲一丸薄荷湯化下入酒

少許尤妙癰病薄荷自然汁和酒化下

香金丸

治小兒急慢驚風來去不定沉昏無時

天麻

雄黃

半兩

白附子

大川烏

去皮

鐵粉

青黛

南星

炮各
一分

麝香

半錢

石燕子

醋煨

硃砂

右為末糊丸鷄頭子大三歲一丸薄荷湯磨下

蛇頭丸 治小兒急慢驚風涎盛痰寒搐搦不問陰陽
但是驚風服立效

蛇頭

一箇

蜈蚣

三條赤足者

硃砂

三錢

鉛白霜

輕

粉

二錢

腦子

一錢

麝香

一錢

鐵粉

百草霜

半兩

蛇含石

一兩

一方加全蝎一分右為末糯米糊為丸雞頭子大三
歲半九薄荷湯磨下一方慢驚加附子半兩去皮尖
血竭一分

睡紅丸 治小兒急慢驚風手足搐搦目瞪口眼相引

烏蛇

項下肉七寸用酒浸一宿去皮骨炙黃一錢

青黛

二錢

牛黃

半錢

蝎梢 麝香

一字

硼砂

半錢

水銀砂子

半錢

金箔

十片

真珠末

半錢

烏蛇尾

酒浸一宿去皮骨炙黃色一分

蛇黃

右牛黃麝香硼砂金箔先研極細勻次入水銀砂子

再研將餘藥一同搗羅為末作一處研勻每服嬰孩

半字一二歲半錢以意加減金銀薄荷湯調下一服

搗定即使用調胃氣藥與服之兼治一切風癰上視

涎盛宜服如吐瀉後成驚手足冷者不可服

麝香膏 治小兒急慢驚風涎熱發搐

麝香 防風 草龍膽 甘草 龍腦 硃

錢三

錢一

砂

錢三

乳香

兩半

天南星

錢半

膩粉

錢一

墨

錢半

青黛

兩半

右研勻蜜調成膏每二歲兒服半皂子太薄荷湯化下

天王補心丸 治小兒急慢驚風金箔鎮心丸

硃砂

半夏

浸十日換十遍
水晾乾後用

人參

南木香

琥珀

杏仁

炒黃色却
泡去皮尖

麝香

青木香

檳榔

葶藶子

炒黃色
一錢

天漿子

七粒去
皮去油

右各研細麵為丸羅蔔子大每服一歲五七九三歲
二十七丸虛者減丸數壯者加丸數硃砂為衣荊芥
湯下用蜜丸大鷄頭子大同金箔鎮心丸磨化服

麝香餅子

治小兒急慢驚風進退不定日入乍靜乍

動嘔吐痰涎潮搐風癇潮熱口眼偏斜項背強目睛

上視及因吐利生風心肺中風尤宜服之

麝香 蝎尾 南星 蜈蚣 赤足三條 川烏 白花

蛇 酒浸一夕去骨皮半兩 乳香 膩粉 硃砂 牛黃 各一

錢

右為末酒糊丸如鷄頭子大拍作餅子三歲一餅人參薄荷湯化下大小加減

驚龍丹

一名烏梢丹出全嬰

治小兒急慢驚風潮發不時神昏

涎盛及因吐利後生風及心脉中風宜尤服之

白附子

人參

南星

半夏

泡洗七次

烏蛇尾

酒浸

去皮骨焙一方用三兩水浸

天麻

全蝎

去毒

防風

川附

子

一兩

天漿子

二十七箇一方二十一箇

右作一處酒浸三宿取出焙為末次用水磨雄黃一兩辰砂一兩並飛同和拌入麝香二錢生龍腦一錢糯米餅為丸如粟米大二歲十九薄荷湯下有效亦作散子調下尤效

睡安丸

治小兒急慢驚風搐不定不得安睡

辰砂

乳香

血竭

錢一

麝香

錢半

全蝎

二十箇

蜈蚣

一條酥炙黃酒浸一宿

右為末二歲一字薄荷湯好酒煎令沸調下得睡易效

至聖保命丹

出鮑氏方

治小兒脫驚內癰腹肚堅硬夜啼

發熱目睛上視手足搐掣角弓反張但是痰涎壅盛一切急慢驚風並皆治之

全蝎

十四箇

白附子

天南星

炮

白殭蟬

直者炒

硃砂

研

麝香

各一分

金箔

十片

防風

去蘆

天麻

各二錢

蟬退

去泥二錢

右為細末入研藥和勻蒸粳米飯取中心軟者搜為丸每服一兩作十丸初生兒半丸乳汁化下周歲兒一九金銀薄荷湯化下一丸一歲以上有急候者二丸薄荷湯化下常服鎮心安神湯化痰除一切驚風證候一方無金銀硃砂為衣一方無天麻

蛇頭丸

出和劑方

治小兒急慢驚風手足抽掣眼睛直視

角弓反張證候危急者

蛇含石

十箇煨三次醋淬却用甘草湯煮出酸氣研飛為衣

鐵粉

白

附子

欒金

二兩

麝香

一兩

龍腦

別研半兩

花蛇頭

一箇酒浸
用齒并肉

右為細末麵糊為丸如鷄頭子大每服一九薄荷自然汁磨并花水下量大小加減與服

大天南星丸

出御藥院方

治小兒急慢驚風涎潮發搐目

睛上視口眼相引牙關緊急背脊弦直精神昏塞連

日不省

龍腦

研

牛黃

研

乳香

錢一

天南星

牛膽製者半兩

人參

天麻

去蘆

防風

去蘆各一分

硃砂

研三錢

麝

香

一錢半

乾蝎

十四箇湯浸潤去土微炒

右研杵令勻煉蜜丸如鷄頭子大每服一九荊芥薄荷湯化下量小兒大小加減服不拘時

生硃膏

出醫方集要

治急慢驚風

天麻

分一

硃砂

錢二

殭蠶

白附子

全蝎

二十箇

黑附子

錢一

麝香

半字

蜈蚣

一條酒浸

南星

半錢

花蛇

酒浸炙乾各二錢

右為末和勻煉蜜為丸如鷄頭子大每服一九用金

銀薄荷湯化下

金銀丸

治小兒急慢驚風積

青黛

錢三

水銀

一皂子大同黑鉛結炒子

寒食麵

黃明膠

錢二

硃砂

一兩

巴豆

十二箇去油

腦麝

少許

右都研勻細滴水為丸如麻子大捏令扁曝乾麝合

盛一歲一丸隨意加減煎皂角子湯送下不得化破

龍腦散

出錢氏方

治小兒慢驚多用性太溫及熱藥治之

有驚未退而生熱證者有病將愈因治熱證而反為急驚者甚多當問病者幾日因何得之曾以藥療之可用毒解之藥無不效宜此

大黃

蒸

半夏

湯洗剉薑汁浸一日焙乾炒

甘草

炒

金星

石 銀星石 寒水石 禹餘糧 不灰木 青

蛤粉

各半兩

右為細末研入龍腦一字再研勻新水調一字至半錢量兒大小虛實與之通解毒一方添入甘松三兩枝藿香葉末一錢牙石一分減大黃一半治藥毒吐血神效

奪命散

出全
嬰方

治小兒急慢驚風諸藥不效者一九見

效

白附子

黑附子

炮去
皮

南星

炮

天麻

防風

半夏

泡七
次

麻黃

去
節

硃砂

金蝎

生薄荷葉
吐生薑汁
煎

灸三兩度
黃色一錢

右入麝香半錢為末三歲半錢薄荷薑汁更同酒泡
湯調下急驚硃砂輕粉二味加入

治急慢驚風大有神效

蘇合香丸

貼一

鎮心丸

貼一

牛黃清心丸

貼一

硃

砂

一錢
重

貫珠子根

不拘多
少為末

地龍

九條用
半錢

真

砂糖

不拘
多少

麝香

不拘
多少

右為末極細一處拌勻每服抄一錢無根水調下

黑神丸

一名醉驚丸
出幼幼新書

治小兒急慢驚風

膩粉

一錢半

墨

白麵

蘆薈

一錢

麝香

研

龍

腦

研

牛黃

研

青黛

史君子

去殼麵裹
炮熟半錢

右為研勻細麵糊為丸如梧桐子大每服半丸薄荷湯研下要利即服一丸俗名睡驚丸少許不同耳前後用治將死兒一服即差一方有糖三合或二合不用牛黃德生堂云昔有小兒王醫賣此藥以效至富予因得方與常人治驚風極效

妙香丸

出全
嬰方

治小兒急慢驚風及傷風壯熱或結胸

五七日已上面赤大腹燥秘喘麤面易五色者以龍
腦水吞下一丸下惡物并藥丸即差

硃砂

一兩

牛黃

腦子

麝香

輕粉

各三字

金

箔

十片

巴豆

二十粒
去油

黃蠟

六錢

右為末熬蠟為丸如小豆大三歲一丸薄荷湯下或
以腦子水下如驚癇年深不過五服不復作如驚風
小芥子大三兩丸痰涎盛頰赤口乾患驚經五七日

以上但是驚疳食病確知小兒病證者十歲菜豆大
七丸虛中有積吐瀉諸痢不止臟腑疼痛者服之立
效食前一方入白蜜三分同研令勻為丸

黑龍膏

出全
嬰方

治小兒急慢驚風潮搐頻併胎癇發日

期不定

烏蛇

蠶紙

一張
燒灰

蟬蛻

全蝎

各半
兩

硃砂

半
兩

腦子

麝香

各半
錢

金箔

二十
片

右為末煉蜜為丸如皂子大三歲一九薄荷湯化下

一方人參薄荷湯一名烏金膏

銀硃丹

出全
嬰方

治小兒急慢驚風搐搦不定涎壅不通

并胎癰

金蝎

去毒

天漿子

炒

蜂房

各一分

硃砂

半兩

水

銀

錫煖脂

各一兩同炒
結成砂細研

牛黃

麝香

各一錢

右為末糊為丸如小豆大二歲五丸金銀薄荷湯下

金蝎散

出全
嬰方

治小兒急慢驚風潮作不定心肺中風

蛇頭

一箇
酒浸

蜈蚣

一條
酥炙

全蝎

一錢

草烏

一箇去
皮尖

麻黃

去節 一錢

硃砂

一錢 半

腦子

麝香

各一 字

右為末一錢一字薄荷湯酒調下

保安膏

出全 嬰方

治小兒急慢驚風諸癇涎盛頭頸強直

如弓

蝎尾

一錢 半

蜈蚣

一 字

麝香

一 字

腦子

一 字

川烏

尖

七箇 生

南星

半錢 薑汁 浸一宿

花蛇肉

酒浸炒 一錢

右為細末一歲一字薄荷湯調下

定命丹

一名定生丹

治小兒急慢驚風天吊臍風撮

口搖搦妳癰壯熱

蝎尾

十四箇泡

天麻

半分

天南星

膩粉

一兩半

青

黛

半分

硃砂

研

白附子

各半兩

麝香

二字

右再研勻用煮粟米飯為丸如菰豆大薄荷湯下五
丸急驚者水化滴入鼻中噫搗即定一方用腦子一

字

麝香丸

一名天漿子
丸出聖惠方

治小兒急慢驚風上膈多涎精

神昏悶

麝香

一分
細研

牛黃

半兩
細研

白附子

半兩
炮裂兩片
於鐵器上焙

犀角屑

三分

蟾酥

如柳
葉大

猪膽

一枚
乾者一方
取汁入麵和為丸

天漿子

十枚
麩炒
黃色去殼

半夏

一分
湯泡
七次去滑

右為末用麵糊為丸如黍米大二歲兒每服五丸

未差頻服量兒大小以意加減薄荷湯下三丸

龍骨散

出全
嬰方

治小兒急慢驚風諸藥不效可用

天漿子

二十
一粒

蜈蚣

一條

蝎尾

去鉤
子

烏蛇肉

酒
浸

焙

硃砂

一錢

腦子

一字

麝香

一字

右為末三歲一字薄荷煎湯調下

七味羌活膏

出御藥院方

治小兒急慢驚風壯熱發搐胎

癰昏困不省

天麻 全蝎

人參

白殭蠶

各半兩

羌活 獨

活 烏蛇肉

酒浸一宿各一兩焙

右為細末煉蜜為丸每一兩作五十九丸每服一丸荆芥薄荷湯化下一方麝香荆芥湯化下

辰砂茯苓膏

出永類鈴方

治小兒急慢驚風涎潮搐搦手

足抽掣心膈煩躁治驚啼睡不安帖腸中疔痛

酸棗仁

淨去殼

代赭石

乳香

各一兩

茯神

一兩半

硃砂

半兩

麝香

一錢

右為細末煉蜜為丸如鷄頭子大每服一九用金銀薄荷湯研下更量歲數加減與服鎮心安神定志此藥比他藥大不同溫平不冷

定命丹

出幼幼新書

治小兒急慢驚風天吊撮口潮發搐

弱疳癰及壯熱昏寒不省

青黛

半錢

蟾酥

乾者酒浸一宿一分

麝香

一錢

乾蝎

全者九枚

為妙炒一

方用生

白附子

搗為末半錢一方生用

天南星

炮為末一

分

右細研勻以好粟米粥和丸如菜豆大別以青黛為衣每服一丸荊芥湯薄荷湯化下後困睡無碍但有患者先化半丸滴入鼻中嚏噴必瘥一方不用南星一方新生兒用膩粉二粒生油一兩點新汲水數點藥一米許化破與服取下胎中所受驚熱

保命丹 治小兒急慢驚風四肢逆冷眼張口噤涎沫

不止

虎睛

半錢

箭頭硃砂

半錢

全蝎

半錢

天麻

一分

麝

香

半分

蜈蚣

二條赤足
去頭尾

右為細末煉蜜為丸如鷄頭子大瓦罐貯之入腦麝
審定急驚風薄荷蜜湯下慢驚風薄荷湯化下各三
丸量兒大小加減與之驚悸亦可服

紅霞散

出全
嬰方

治小兒急慢驚風潮作涎盛進退不定

天漿子

二十箇
一錢半

殭蠶

半錢

麝香

一字

硃砂

一錢

右為細末二歲一字煎麻黃湯日調三服汗出是效
緩風散 治小兒急慢驚正搐時被人持捉風涎流滯
氣血不通遂成戾不隨

自然銅

蜈蚣

全蝎

地龍

殭蠶

各等分

右為末竹管一箇上鑽孔四十九箇入一半自然銅在
底次入蜈蚣一層全蝎一層地龍一層殭蠶一層自
然銅一層蓋面再以油單紙封閉皂角水煮一百十

沸焙乾為末三歲半錢麝香酒調下治大小兒癰瘰
尤佳

五味天漿散

出御藥院方

治小兒急慢驚風

天漿子

龍腦

各一錢

蜈蚣

十條

硃砂末

一錢半

乾蝎

十箇炒

右為細末每服一字薄荷湯調下不拘時候

龍腦地黃膏

出宣明論

治小兒急慢驚風痰涎上潮心胸

天癰驚纏喉風小兒胸膈喉不利一切熱毒大有神

驗如病不已與分肢散三服吐利常服此藥

川大黃

錦紋者
另研

甘草

別研

雄黃

一錢

麝香

一錢
別研

生腦子

一錢
別研

右各修製了再乳鉢內同研細煉蜜為膏油單裹如
有病煎薄荷湯下施丸如皂角子大化下如小兒大
人睡驚及心神恍惚金銀薄荷湯下一丸常服新汲
水下大解腥毒如孕婦常服所生男女永無病疾如
有大人陽毒傷寒加輕粉二三釐龍腦少許水化下

一九杏核大小兒看年歲大小加減服之立效

延壽睡驚丹

一名保生丸

治小兒急慢驚風熱痰壅咽膈

不利癇癲潮發手足搐搦口眼相引項強直精神昏
憤睡中啼哭此藥大安神鎮心定驚控痰每用一九
濃煎薄荷湯磨下五歲下兒分三服三歲下兒

分四服

方在本門一切驚風類

蝎稍散 治小兒急慢驚風

附子

一分

丹砂

半錢

蝎稍

七枚

烏頭尖

七枚

半夏

一枝漿
水煮過

右為細末每服一字七煎桃枝湯調下

豆卷散

出全
嬰方

治小兒慢驚多用性太溫及熱藥治之

有驚未退而別生熱證者有因治其熱證而反為急驚者甚多當問病者幾日因何得之曾以何藥療之可用解毒之藥無不效宜此

貫衆 板藍根 大豆黃卷

水浸黑豆生
牙是也入乾

甘草

各一
兩炙

右為細末每服半錢水煎去滓服甚者三錢煎沸再入油數點煎又治吐瀉蟲不拘時服

問命丹

出全
嬰方

治小兒急慢驚風諸藥不效神昏惡候

躑躅花

兩半

蝎尾

一分半

加腦子

半字

麝香

半字

右為細末少許吹鼻如眼淚鼻涕俱出者可治

一醉散 治小兒急慢驚風潮發進退并十歲以上風

狂胡走揮颺手足

辰砂

乳香

兩半

酸棗仁

去皮
半兩

全蝎

三錢

右為末三歲兒半錢好酒調下盡醉服之睡着切勿驚動自覺即安治大人風狂亦效

麝珠丹

出全
嬰方

治小兒急慢驚風眼上上視涎鳴發搐

珠砂

二錢

輕粉

一錢

地龍

一條安磁合內後用珠砂摻在身上令遍合一

宿後取出刮
身上紅用

麝香

一字

右為末一歲一字生薄荷自然汁調下良久取下黑黃涎如慢驚與少許神寶丹補助神寶丹方見本門
慢驚風類

桂玉枝散

出御藥院方

治小兒急慢驚風發不時省

全蝎

七箇

薄荷

十四箇葉

麻黃

七條

白朮

半兩

右以溫湯浴潤以兩葉裹蝎一箇用麻黃縛定炒至焦黑次入白朮半兩生薑自然汁浸透焙乾右用每服半錢煎丁香柿蒂湯調下不拘時

全蝎散

出御藥院方

治小兒急慢驚風搐掣瘈瘲痰實壅

塞胸膈不利

全蝎

十一枚

硃砂

研

乾胭脂

各一錢

薄荷

四錢

右為細末每服半錢乳汁調下服之

萬金丹

出御藥院方

治小兒急慢驚風

硃砂

一錢

輕粉

一錢

全蝎

十箇微炒去稍

雀兒飯甕

二箇候前三味研細方入同研

右為細末以男兒乳汁為丸如鷄頭子大兒半歲半丸一周一九一歲加一九至三歲三丸止用金銀薄荷湯化下藥後必昏睡雖終日亦不可驚覺自醒即無事其驚涎自隨大便出然藥性微冷若慢驚少服

奪命散

出百一
選方

治小兒急慢驚風

全蝎

二十
七箇

蛇含石

一兩

鐵孕粉

一兩

丁頭代赭

石

一兩

右為細末薄荷湯調下如身熱入硃砂末少許一方
入雄雞冠血少許潮熱入硃砂

青金丹

治小兒急慢驚風

黃連

二錢

黃栢

二錢
生

青黛

二錢

巴豆

十四粒
去殼心油膜

研

全蝎

二枚

右為細末糊為丸如黍米作餅子量兒大小服金銀薄荷湯化服

星香散 治小兒急慢驚風搐搦竄視涎潮

南星

一錢半

木香

橘紅

各半錢

全蝎

一枚

右同剉散再入生薑四片慢煎灌下大便出涎即愈
危氏用水二盞煎服

又方

出本
事方

治小兒急慢驚風四肢逆冷眼張口噤涎

流不止

赤脚蜈蚣

一條去頭尾

蝎稍

半錢

草烏尖

七箇

半夏

三箇

右焙乾為末入麝香三十文輕粉半錢匕用生薑自然汁丸如鷄頭子大每服三丸金銀薄荷湯化下次用生硃砂調塗病兒脚心中妙

慈救丹

出御藥院方

硃砂

二錢先研

全蝎

不去毒文武火微焙淨三錢次下乳鉢

江子

不去

油心膜大白者四
十粒三下乳鉢

麝香

當門子一錢四下乳鉢俱研至無聲則可用

右研細末煮麵糊為丸如麻子大陰乾一歲一九驗
歲數服急驚薄荷湯下慢驚曲蟾泥泡湯下候一茶
時調無憂散服賣與人必與兩服候其吐再喫一服
不吐則瀉其病退再休服此藥服後或吐其病瘥矣

無憂散

出御藥院方

朴硝 青黛

右各等分為極細末白湯調下慢驚二錢急驚三錢

觀音妙濟散

出御藥院方

治小兒急慢驚風

殭蠶

直者去
背生用

全蝎

全用

輕粉

減加

生硃砂

少許

右等分為末每服一錢用乳汁下男用女乳女用男乳或薄荷湯下三五行減輕粉用後藥調前藥再服不利加輕粉後加金箔琥珀珍珠末三味等分入前藥調服

蝎稍散

出錢氏方

治小兒急慢驚風涎痰喉中有聲

全蝎

薄荷葉最線扎灸
薄荷葉焦為度

粉霜

輕粉

右等分為末一歲一字薄荷汁調下良久吐涎咽喉

開利去驚積及胸膈脹滿

硃砂

兩半

天南星

兩一

巴豆霜

錢半

右為末麵糊為丸如黍米大看病虛實大小每服二三丸或天癰戴眼每服四五丸薄荷汁下立愈一方薑汁麵糊丸乳下一方滴水丸乳下

又方 治小兒急慢驚風

螳螂

一箇全者炙黃研為細末

硃砂

麝香

錢半

右為細末如二歲兒分作四服四五歲分作兩服六

七歲兒分作一服金銀薄荷湯調下慢驚風加生硫黃一豆大同為末急驚風則不用硫黃前二方世所未有醫者知乃貴家不傳之方

鬱金散

一名一捻金
散出宣明論

治小兒急慢驚風手足搐搦目

視上口不開涎潮悶絕

鬱金

一枚
大者

巴豆

七枚去皮
不去油

右細研為末每服一字竹葉湯放溫調下將藥放於
盞口上以湯沖下咽喉為妙一方面北門限上杵一

十杵每服一字薄荷湯下治天癰急驚風熱一方用
砒半菴豆大再研極細勻周歲一字並用生薑投茶
清調下發時服了吐瀉以後切不可再服此藥只宜
服硃砂膏羌活膏半菴散牛黃散惺惺散可選用之

雄黃散

出再
選方

治小兒急慢驚風

白礬

生
用

右研細蠟丸如菴豆大麝香硃砂養之量兒大小與服
取青綠物自大便通中出即愈

又方

一名保生湯
出抵合方

通治小兒急慢驚風手足搐搦日

數十發搖頭弄舌百治不效垂困方

蛇蛻

一分

牛黃

一錢
研

右以水一盞先煎蛇皮至五分去滓調牛黃頓服五
歲已上倍服

治小兒急慢驚風

出傳信
適用方

天南星

一箇

全蝎

一箇

右為末用父母津吐調膏稀稠得所塗顙上看顙大

小塗之移時驚住不須再塗若未住再塗之

一方

出典藥方

治小兒顫門陷并發熱用後藥貼之

詩曰

三箇葱頭及一龍

各各搥來三處同

頂門脚心俱貼上

管甚急驚與慢驚

備急丸

治急慢驚風

以五月五日取地龍數條用竹刀中分兩截看地龍跳得急者慢者各另一處研爛用硃砂末同研

和勻得所丸如菽豆大急驚用跳急者慢驚用慢跳者用金銀薄荷湯下量兒大小加減丸數如合藥後分明寫記急慢各另包裹收貯一方用蚯蚓子研細沙糖井花水調服不用硃砂

又方 治小兒急慢驚風

用楊柳樹蟲不拘多少研細取汁井花水調服

桃花散 治小兒急慢驚風諸般驚五心熱

硃砂

一分

蝎梢

四十丸

膩粉

一錢

天竺黃

馬牙

硝

一兩

腦麝

少許

右為細末每服半錢用金銀薄荷湯調下

全蝎散 治小兒急慢驚風一切諸風發搐服之神效

急慢驚風加減方法在內

全蝎

二十四箇新薄荷葉穿包裹綿繫定用竹筴夾住慢火上炙數次如無新薄荷用乾薄荷

酒浸開
用亦可

殭蠶

半兩先炙去絲頭用薄荷酒依前法製之

天南星

一兩

取末生薑一兩切作片子新薄荷葉三兩如無新者用乾葉一兩作餅子取乾後用如急驚風不用

南星加
大黃

大黃

煨一兩若慢驚風不用大黃用製天南星

白附子

三錢

防風 天麻 甘草 硃砂 川芎

半兩

右為末每服一錢一歲兒服半字錢三歲兒煎薄荷湯調下量小兒大小歲數加減服之定鎮心神煎金銀薄荷湯調下身熱發搐煎火府散調下慢驚吐瀉發搐煎生薑湯下急驚風發火府散煎加大黃煎湯調下

鎮心丸

出王氏博濟方

治小兒急慢驚風搐搦不定中焦壅

熱化痰理驚

金銀箔

各三十片

牛黃

錢一

茯神

半兩
去皮

鐵粉

半兩

龍腦

錢一

防葵

半兩

人參

半兩

雄黃

一分

硃砂

半兩

犀角

一分

大黃

一分

龍齒

錢一

右都研勻細末煉蜜和丸如小鷄頭子大每服看兒
大小薄荷湯化下如大人心神不定多怔忡亦宜服
之

六神丹

治小兒急慢驚風涎潮氣壅安神養魄去風

邪定嗽喘利膈

白殭蠶

直者一錢浴淨
薑汁浸微炒

辰砂

一錢

蜈蚣

大者一條去頭

足用好酒
浸炙香

蝎稍

一錢
去尖

半夏

陳者一錢刮去
滑湯洗七次

真麝香

一字

甘草

一錢

人參

一錢去蘆
洗切焙

藿香

一葉

錢

右為細末煉蜜為丸如鷄頭子大周歲兒每服一丸
薄荷湯化下二三周及一周者以意加減

硃砂膏

出衛生
家寶方

治急慢驚風形候一般皆治

硃砂

一錢

蝸牛

五箇

輕粉

一錢

右一處為末煉蜜為膏每服周歲一黑豆大薄荷汁調下日三服與蠶半散相間或間惺惺散亦得不退服羗活膏與蠶半散其蝸牛連殼用先用瓦摻黃丹將蝸牛在上火上焙乾

醉紅散

出宿川氏方

治小兒急慢驚風潮搐涎盛口眼偏

斜精神昏悶若腹急脹睛上視則難愈

蜈蚣

白殭蠶

全蝎

去毒二味七枚

香白芷

硃砂

錢一

天仙子

一字

曼陀羅花

七枚

天南星

一枚

大者作合

子入藥在內將南星來塞之用無灰酒浸濕紙裹入地坑內蓋合坑角炭火二分煨乾時取開入酒浸洗之候火盡方取出焙乾

右件為細末每服一字病甚者服半錢急驚用薄荷自然汁調慢驚荊芥湯入酒三五滴同調下不拘時候

乳香丸 治急慢驚風頑痰壅上目時上視

乳香 龍腦 牛黃 硃砂 麝香 天麻 人

參 防風 全蝎 甘草 茯苓

右件為細末用蜜為丸如鷄頭子大荆芥湯下

雄黃散 治小兒急慢驚風手足搐掣壯熱口噤不省

人事

天麻 蟬退 南星 桂心 半夏

薑汁製

白附

子 雄黃 麝香 天竺黃 膩粉 全蝎

右為末用棗肉為丸棗豆大薄荷湯下

梨漿飲

出傳氏活嬰方

治急慢驚風後餘熱不退或被醫人

進熱藥致令孩子煩躁

礪砂

錢一

全蝎

錢一

白附子

錢半

麝香

鉛霜

錢一

荊芥

錢一

硃砂

錢一

腦子

許少

鐵粉

錢半

南星

者大

一箇牛膽汁
浸三面裹煨

右為末每服一字燈心金銀薄荷湯下

靈砂救命散

治小兒急慢驚身仰涎盛目時上視牙

關緊急頻發搐搦或利生風手足痙瘓哽氣神昏

五靈脂

一兩醋浸化去砂
石慢火熬成膏

羌活

去蘆

曼陀羅花

四枚

天麻

酒浸焙乾

烏蛇尾

滑石

別研

鈎藤

右件為細末煮醋糊滴水為丸每一兩作四十九陰
乾每服半丸至一九煎生薑荊芥湯磨下不拘時候
琥珀真珠丸 治小兒急慢驚風涎留心經上逆作吐
目睛直視手足搐搦治風癇瘕瘕痰潮昏塞吐舌搖
頭作聲狂叫

巴豆

七粒
取霜

附子尖

十四枚半
生半炮

半夏

十一枚半
生半炮

白花蛇頭

一枚酒
浸焙乾

白殭蠶

十四枚一半生一半
用薄荷葉裹煨灸焦

去薄荷
不用

白附子

二枚半
生半炮

全蝎

十四枚一半生
一半用薄荷半

炙黃色去
薄荷不用

天南星

二錢

羌活

去蘆頭

白鮮皮

琥珀

別研

天麻

真珠末

別研

麝香

一字別研

硃砂

別研

龍腦

一錢

雄黃

半錢別研

烏蛇頭

蛇黃

火燉醋淬

三遍

白殭蠶

防風

去蘆頭

天麻

已上五味各一兩

五

靈脂

半兩

全蝎

一錢去毒

麝香

一分研

硃砂

一錢另研

代赭石

半兩火燉醋淬三遍

右為細末糯米煮糊為丸每一兩作十四丸金箔為衣一歲兒一九分三服薄荷湯磨下急驚再磨慢驚

荊芥湯磨下不拘時候

天南星丸

出楊氏家藏方

治小兒急慢驚風涎盛搐搦嘔吐

涎沫神昏貪睡

全蝎

去毒

白附子

五靈脂

去沙石

蟬蛻

天南

星

各等分

右件為細末煮米醋糊和為丸每一兩作四十九陰乾每服半丸至一九煎生薑荊芥湯磨下不拘時候
琥珀珍珠丸 治小兒急慢驚風涎留心經上逆作吐

目睛直視手足搐搦及治風癰瘰癧痰潮昏寒嚼舌
搖頭聲狂叫

巴豆

七粒

附子尖

十四枚半
生半熟

半夏

十四枚半
生半熟

白花蛇

一條

白殭蠶

十四枚半生半熟用薄荷
葉包裹煨焦黃色去薄荷

白附子

二枚半
生半熟

全蝎

十四箇半生半熟用薄荷
葉葉裹炙黃色去薄荷

天南星

半生半
熟二錢

羌活

白鮮皮

琥珀

天麻

真珠末

麝香

硃砂

龍腦

一錢

雄黃

半錢

右件為細末以猪心血薄荷自然汁煮麵糊和圓如

蘿蔔子大每服十九煎人參湯送下不拘時候

利驚丸

出楊氏家藏方

治小兒急慢驚風涎壅吐嚥不下神

志昏憤目瞪搐搦

硃砂

阿魏

濕紙裹湯上薰令軟

乳香

一錢

蜈蚣

一條炙黃

蝎梢

七枚去毒

巴豆

大一枚去皮水浸三日

右件為細末次入阿魏巴豆同研成膏如未成即用

重湯煮之為丸如黍米大一歲兒每服三丸濃煎羅

蔔子湯送下利下涎即效不拘時候

葱涎丸

出楊氏家藏方

治小兒急慢驚風涎潮搐搦項反背

折

蜒蚰

一條

天南星

生一分為細末揅蚰焚身用竹篦子括下不用蚰

蜈

蚣

一條

全蝎

十枚去毒用薄荷葉裹慢火炙黃去薄荷

巴豆

五枚

右件為細末生葱涎為丸如菉豆大或如黍米大妙用硃砂為衣每服五丸壁上塵湯送下不拘時候

長生丸

出楊氏家藏方

治小兒急慢驚昏睡目斜視項背強

直牙關緊急

蜈蚣 全蝎

十枚 去皮

天南星

二錢以上二味用薑汁半盞入磁器中慢

火熬盡取
出焙乾

棘剛子

十枚去
殼生用

右件為細末湯浸雪糕為丸如芥子大周歲兒每服
十丸兩歲兒每服十五丸用千金散作湯便送下

千金散

白花蛇頭

一枚

麻黃

二十四根去節
新瓦上焙黃色

右件為細末如急驚入研細腦子少許溫湯調藥一
字不拘時候

蝮蛇散

治小兒急慢驚風身熱涎盛頻發搐搦神志

昏憤

白附子

一枚

天麻

去苗

全蝎

去毒

白僵蠶

天南

星 人參

去蘆

附子

去皮臍尖六味二錢

甘草

鉤藤

硃砂

一味各一錢

腦子

一字研

麝香

一字別研

右件為細末次入腦麝研勻半歲兒每服一字周歲兒每服半錢用薄荷荊芥湯調下不拘時候

噎驚丸

治小兒急慢驚風搐搦不定頭項反折神志

昏塞

螳螂

一枚大者去足翅
硃砂一錢半同研

蜚螋

三枚去頭足翅入
雄黃半錢同研

蜈蚣

大者入硃砂
一錢半同研

石龍子

一枚入硃砂
一錢同研

以上四味油紙裏窖乾入後藥

蟾酥

一分

真珠末 麝香

龍腦

各一錢

瓜蒂

七枚

細辛末

半錢

白花蛇頭

酒浸焙
乾半錢

蟾酥

一分

右件同研為細末取孩兒乳汁和丸如蘿蔔子大每
用一九以妳汁磨化滴鼻中得嚏立瘥次用薄荷湯

化下五七丸不拘時候

水仙散

出楊氏家藏方

治小兒急慢驚風神昏不省

水仙子

瓜蒂

半錢

躑躅

三錢

腦子

半字

鷺不食

草

三錢

蝎梢

半兩

蜈蚣

一條

麝香

一字

右件研為細末每服半米粒大次入鼻中得嚏為度

白附子丸

出楊氏家藏方

治小兒急慢驚風潮搐生涎上氣

喘急

白附子

研

半夏

硃砂

各半兩

白殭

螻一兩

全

蝎

二十一
枚去毒

膩粉

一分

麝香

一分

金箔

一片

右件將白附子等五味研為細末次入研藥一處攪勻煮棗肉和丸如黍米大每服十丸煎荊芥湯送下不拘時候

蛇黃丸

出楊氏
家藏方

治小兒急慢驚風涎壅驚悸或作癇

疾

人參

去蘆

硃砂

研

蛇黃

七次
別研

半夏

茯神

去木

六味
各半兩

鐵粉

二錢
半

麝香

半兩

右件為細末入研者藥和勻煮麵為丸如黍米大每服十丸生薑湯送下乳食後服

通關散 治小兒急慢驚風搐搦作潮

蜈蚣

一條乾者葱涎浸一日一夜

麝香

一字

草烏頭

十四箇薄荷生

薑自然汁浸一日一夜焙乾

右件為細末每俟潮搐時男左女右用一米粒吹入

鼻中

神應散 治小兒急慢驚風出東坡家傳方有應

雄黃

二兩

硃砂

一錢

全蝎

七箇
去毒

蜈蚣

一條

殭蠶

一箇直

者炒

右為細末每用半錢薄荷湯調服

萬應丹

出東坡生蘭
室秘藏方

一斗紅雲一斗雪

神妙却在青蒿節

不論急驚與慢驚

臨時須用生人血

右於七月二十五日取青蒿上物研和為丸如梧桐
子大每量大小輕重加減乳汁磨下半歲一丸一歲

二九二歲三九如黃豆大

延壽丹 治小兒急慢驚風胃受驚氣腹痛盤腸內吊
鴉聲啼叫角弓反張眼或視上手足搐搦痰涎潮壅
塞不醒或一切心神煩悶睡卧不安並宜服之

天南星 白附子 蛇黃 舊錦 生硃 當門
子

右細末和勻粉糊糯米為丸如鷄頭子大週歲兒每
服一九嬰兒半丸薄荷湯浸軟磨乳化下服後腹痛

脹俱不妨碍藥味溫平

治小兒急慢驚風

出得生
堂經方

右速以男左女右之手第二指屈拳取其第二指
縫頭用麻子大艾炷一九灸之即愈危者二三壯此
法屢試屢驗萬無一失其應效如響

治小兒急慢驚風

乳香

半兩味辛
熱微毒

甘遂

半兩味寒而且有毒用遠
志甘草水浸三兩日換東

流水淘淨候
乾炒脆用

右二味同研細末每服半錢用乳香湯調下或小便調更妙

治小兒急慢驚風并慢脾風

右用青州白丸子并金夜當等分為末飯飲調下量虛實大小與服

黑子散 治小兒急慢驚風

右用猪牙皂角不拘多少燒為炭為末入麝香少許金銀薄荷湯調下一字量兒大小與服燒時令帶性

不得過

至聖保命丹 主小兒急慢驚風並皆治之

全蝎

五兩

南星

十兩

蚯蚓屎

十兩

硃砂

一兩

輕粉

二錢

田螺殼

二百箇

右為末糕糊為丸如鷄頭子大每一丸用薄荷湯化

下

葱湯丸 治小兒急慢驚風

滑石

一錢

輕粉

一錢

全蝎

半錢

白附子

一錢

半生

半熟

巴豆 南星

右為末蒸餅丸如麻子大每丸對歲數一歲以下七
九未出月一九氣積驚積金銀薄荷湯下

礬皂丸 治小兒急慢驚風涎及去風疾利胸膈次常
服永無痰疾

北礬

二兩半
飛過

半夏

薑汁浸
一宿焙

南星

切作片濃煎
皂角水浸一

宿火
焙乾

殭蠶

直者可用一兩醋浸一
宿半生半熟各半兩

右為末薑糊丸桐子大每服十粒至二十粒薑湯下

如喉閉熱痛含化爛嚼薄荷新汲水送下甚者及纏
喉風皂角水同茶脚研一二十粒灌下小兒急慢驚
風涎盛皂角水研揩齒上常服食後臨卧薑湯下不
損津液化痰為水

問命散

出保
生集

治小兒急慢驚風發搐

蜈蚣

條

殭蠶

一條比如
蜈蚣長

右為細末男左女右搐一字

普濟方卷三百七十五